



15. august 2019

UKA2019/103

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Immikkoortuni Namminersorlutik Oqartussat kommunillu akuuffigisaanni marloqiusamik allaffissornerup pinngitsoortinneqarnissaanut, ataatsimut suleriaatsit pisariillisarnissaannut isumalluutillu avitseqatigiissutigineqarnissaannut periarfissat qulaajaaffigalugit Naalackersuisut nassuiaammik UKA2021-mut saqqummiussinissamik peqquneqarnissaannik Inatsisartut aalajangiiffigisassaatur siunnersuut**

(Inatsisartunut ilaasortaqaq Tillie Martinussen, Suleqatigiissitsisut)

#### **Tungavilersuut:**

Tungavilersuut:

Nunami inunnik ilinniarsimasunik ikitsunik isumalluuteqarfiusumi pisortallu amerlasoorpassuarnik suliffissaqartitsivigisaanni pisortat ataanni immikkoortuni ataatsimut isigalugit isumalluutit ingerlatsiviillu pisariitsumik sunniuteqarluartumillu atorineqarnissaat qulakkeertariaqarparput.

Periutsitta piviusunut naleqqussarnissaannik pisariaqartitsinerput ukiorpassuarni oqallisigisarnikuuarput, kingullertigullu assersuutigalugu tarnikut katsorsaannermi pinngitsaaliisarneq pillugu inatsisikkut taamatut aallariarnikuulluta.

Isumaqarpugut kommunit aamma Namminersorlutik Oqartussat isumalluutini avitseqatigiissutigisinnaasaat, pissutsit imminnut pitsaasumik sunneeqatigiiffigisinnaasaat suleriaatsinillu pisariillisaanissaq, inatsisit nutaat periutsillu nutaat atuutilersinneqartarnerisa suleqatigiilluni pitsanngorsarnissaat suut pillugit nassuiaasiortoqartariaqartoq.

Nunatta pisortat marloqiusamik taamatut annertutigisumik allaffissornerat inoqqortussutsikkut nappassinnaangilaa.

Qularnanngilaaq assersuutigalugu Namminersorlutik Oqartussat sulisoqarfiisa naalackersuisoqarfiisalu, suliffeqarfiit Namminersorlutik Oqartussat pigisaasa aquaasaluunniit, ingerlatsiveqarfiit allaffissorfigisaasalu kommunit allaffissorinikkut ingerlatsinerisa assigisaannik immikkoortoqartoq. Immikkoortuni suliassat suliaqarfiup aappaata ingerlatilerpagit iluaqutaanerusussaasoq, kisiannili pisortat suliaqarfiannit allamit ikiorserneqarnikkut siunnersorneqarnikkullu assersuutigaluguluunniit inatsilerinermi immikkut ilisimasalinnit najugaqarfinniillu tapersiisoqarneratigut ingerlanneqartartunik. Taamaammat ilamagaara Kalaallit Nunaanni kommunini aamma Namminersorlutik Oqartussani periutsinik sukumiisumik misissuineq nassuiaammi aallaavigineqarsinnaasoq. Immikkoortut Namminersorlutik Oqartussat kommunillu suleqatigiissutigilluarsinnaasaat suliaruaatsinillu pisariinnerulersitsisinnaasut qulaajarneqarnissaat isiginiarneqarsinnaavoq. Nassuiaammi Namminersorlutik Oqartussat kommunillu akornanni suleqatigiiffiusinnaasut piviusunngortinnissaannullu inassuteqaateqartoqarsinnaavoq.

UKA2019/103

J. nr. XX.XX.XX /19EM-LABU-XXXXX

Inassuteqaatini ingerlaqqeriartoqarsinnaavoq immikkoortunilu kassuarneqartuni sorlarni oqartussat inaarutaasumik akisussaaffeqartariaqarnersut allaaserineqarsinnaalluni.

Tassani pisortat isumalluutunik ataatsimoorunneqartunik ataatsimut qanoq annertunerpaamik pissarsiaqarsinnaanerit pisariillisaanissamullu suut ajoqutaanersut qulaajaaffigineqarluarsinnaapput. Assersuutigalugu kommunit suliaasanik suliarinnittarneranni ikiorsiisinnaasumik Namminersorlutik Oqartussani siunnersuisoqarfeqarnissaq pisariaqartinneqarpa? Inatsit akuerineqartoq kommunit kivitsinnaannginnerannik kisannili immikkoortunik Namminersorlutik Oqartussanut uterteqqiisariaqarnermik kinguneqassava? Ataasiinnarmik akissarsisiteriaaseqartariaqarpugut ataatsimillu allaffissoriaaseqartariaqarpugut? Ilimagaara allaffissornermi immikkut ilisimasallit sumulluunniit attuumassuteqanngitsut allassornermilu sulisut ingerlatsisullu suliamut attuumassuteqartut allat ilanngussaqarpata nassuiaat sunniuteqarnerpaajussasoq.

Kommunit aamma Namminersorlutik Oqartussat suleqatigiiffigisinnaasaannik ilitsimasaminnillu ataatsimut iluaquteqarfigisinnaasaannik immikkoortoqartariaqarpoq. Aamma suliaqarfiup aappaani allamiluunniit atorunaarsinneqarsinnaasunik atorfeqartariaqarpoq, tamaalilluni akisussaaffik ataatsimut ersarissumik inissinneqassalluni. Namminersorlutik Oqartussat kommunillu suleqatigiinnerisigut isumalluutit pisariaqartut pissarsiarineqarsinnaanerannik perarfissat pigiinnarneqartariaqarput, soorlu sulisut.

Immikkoortorpassuaqarpoq nukiit ataatsimoortilersinnissaannut periarfissanik nassuiaammi ersarissarneqarsinnaasunik. Taamaaliornikkut allaffissornermi pissutsinik tunntaveqarpallaarneq marloqiusamillu allaffissorneq pinngitsoorsinnaavagut.

**Pisortaniut aningaasaqarnikkut allaffissornikkullu kingunissai:**

naliliisoqarpoq nassuiaasiornermi inunnillu ilisimasalinnik atusarniaarnermi A/C fuldmægtigip atorfanut ukiumut suliffissamik ataatsimik annertussuseqassaasq, tassa kr. 500.000 missaanni. Aningaasani taakkunanani nassuiaammik nutserineq, naqiterineq saqqummiinerlu ilaapput.

**Namminersortunut aningaasaqarnikkut allaffissornikkullu kingunissai:**

Soqanngilaq.

**Innuttaasunut aningaasaqarnikkut allaffissornikkullu kingunissai:**

Soqanngilaq.